

ხელშეკრულება საქონლის შესყიდვის შესახებ #

60-7-115-225

ქ. თბილისი

2015წ. 13.03

I. მხარეები

1.1 წინამდებარე ხელშეკრულება დადებულია 2015 წლის 13 მარტი, ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი მმართველთა საბჭოს თავმჯდომარის სულხან ზუმბურიძის სახით (შემდგომში – „შემსყიდველი“) და მეორეს მხრივ შპს „იტს“-ს (შემდგომში – „მიმწოდებელი“) შორის, წარმოდგენილი დირექტორის თეიმურაზ მიქელაძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს სხვადასხვა დასახელების საქონელი (შემდგომში - „საქონელი“) დანართი №1-ის (ფასების ცხრილი) შესაბამისად, რომელიც წინამდებარე ხელშეკრულების განუყოფელ ნაწილს წარმოადგენს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს 22 209,96 (ოცდაორი ათას ორასცხრა აშშ დოლარი და ოთხმოცდატეავსმეტი ცენტი) აშშ დოლარის ექვივალენტს ლარში დღგ-ს ჩათვლით (შემდგომში – „ხელშეკრულების ღირებულება“), საქონლის ღირებულება ითვალისწინებს ყველა ხარჯს: მათ შორის „შემსყიდველის“ მიერ მითითებულ მისამართზე ტრანსპორტირების ხარჯებს და მოქმედი კანონმდებლობით გათვალისწინებულ ყველა გადასახადს.

3.2 ანგარიშსწორება განხორციელდება ეტაპობრივად უნაღდო ანგარიშსწორების ფორმით ლარში, გადახდის დღეს საქართველოს ეროვნულ ბანკში დაფიქსირებული კურსის მიხედვით, ფაქტობრივად მოწოდებული საქონელზე მიღება-ჩაბარების აქტის გაფორმებიდან და ანგარიშფაქტურის წარმოდგენიდან 10 (ათი) კელენდარული დღის განმავლობაში.

IV. მხარეთა უფლება-მოვალეობები

4.1. „მიმწოდებელი“ მოვალეა

4.1.1 გადასცეს „შემსყიდველს“ ნივთობრივი და უფლებრივი ნაკლისაგან თავისუფალი საქონელი (ახალი, ექსპლუატაციაში არ მყოფი) წინამდებარე დანართ #1-ში მითითებულ ვადებში შემდეგ მისამართზე: ქ. თბილისი, ქინძმარაულის ქ. #29, სს „სსე“-ის მატერიალურ-ტექნიკური ბაზა.

4.1.2 საქონლის მოწოდება განხორციელოს წინამდებარე ხელშეკრულების დანართი #1-ის (ფასების ცხრილი) შესაბამისად.

4.1.3 საქონლის მიღების დროს თუ გამოვლინდება რაიმე ხარვეზი ან შეუსაბამობა, თავისი ხარვეზით 5 კალენდარული დღის ვადაში გამოასწოროს ხარვეზი. თუ ეს შეუძლებელია, 50 კალენდარული დღის ვადაში შეცვალოს საქონელი.

4.2. „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს “მიმწოდებელს” მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. გარანტია

5.1. “მიმწოდებელი” იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. „მიმწოდებლის“ მიერ მოწოდებული საქონლის საგარანტიო ვადა არის მიღება-ჩაბარების აქტის გაფორმების დღიდან 24 (ოცდაოთხი) თვე.

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, “მიმწოდებელი” ვალდებულია თავისი ხარჯებით გამოასწოროს ხარვეზი “შემსყიდველის” წერილობითი შეტყობინების მიღებიდან 5 (ხუთი) კალენდარული დღის განმავლობაში, თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 50 კალენდარული დღის განმავლობაში უნდა შეცვალოს საქონელი.

VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მიუწოდებელი საქონლის ღირებულების 0,5% ოდენობით ყოველ ვადა გადაცილებულ დღეზე ხარისხიანი საქონლის სრულად მიწოდების დღემდე.

6.2 „მიმწოდებლის“ მიზეზით საქონლის არასრულად ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0.1% ოდენობით ყოველ ვადა გადაცილებულ დღეზე ხელშეკრულების შესწყვეტის დღემდე.

6.3 ამ ხელშეკრულების 6.1 და 6.2 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში თუ “მიმწოდებელს” საქონელი უბრუნდება წუნდების ან ხარვეზის შემთხვევაში, წუნდებული ან ხარვეზიანი საქონლის მაგივრად ხარისხიანი საქონლის მიწოდების დღემდე. 6.1 და 6.2 პუნქტით გათვალისწინებული პირგასამტეხლოს დარიცხვა ვრცელდება საგარანტიო პერიოდზეც.

6.4 “მიმწოდებლის“ მიერ „შემსყიდველისათვის“ საქონლის საერთოდ არ მოწოდების შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა ხელშეკრულების ღირებულების 10%-ს ოდენობით.

6.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.6. „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს და ჯარიმის თანხები.

6.7 წინამდებარე ხელშეკრულებით გათვალისწინებული საქონლის არშესყიდვის შემთხვევაში „შემსყიდველს“ პასუხისმგებლობა არ ეკისრება.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიწოდებლის“ მიერ ნაკისრი ვალდებულებების შესრულებაზე.

7.2 „შემსყიდველის“ მხრიდან ხელშეკრულების შესრულებაზე კონტროლს ახორციელებენ სსე-ის დიაგნოსტიკის სამსახურის უფროსი ალექსანდრე ნოზაძე და ექსპლუატაციის სამსახურის უფროსი გოჩა გამხუაშვილი.

7.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული საქონლის ღირებულება.

XI. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIII. შესყიდვის ობიექტის მიღება-ჩაბარების წესი

13.1 საქონლის მოწოდებისას „შემსყიდველის“ მიერ წინამდებარე ხელშეკრულების 7.2 ქვეპუნქტით განსაზღვრული პირობები ამოწმებენ მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

13.2 საქონლის მიღების დროს აღმოჩენილი ხარვეზების (წუნდების) შემთხვევაში „შემსყიდველი“ ვალდებულია ოპერატიულად, წერილობითი სახით აცნობოს „მიმწოდებელს“ სათანადო ხარვეზების შესახებ (წუნდების არსი).

13.3. „მიმწოდებელი“ ვალდებულია ხარვეზების (წუნდების) აღმოჩენის შემთხვევაში „შემსყიდველის“ წერილობითი შეტყობინებიდან 5 კალენდარული დღის განმავლობაში თავისი ხარჯებით გამოასწოროს ხარვეზი, თუ ეს შეუძლებელია, „მიმწოდებელმა“ „შემსყიდველის“ წერილობითი შეტყობინებიდან 50 კალენდარული დღის განმავლობაში უნდა შეცვალოს საქონელი.

13.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

XIV. ხელშეკრულების მოქმედების ვადები

14.1 ხელშეკრულება ძალაში შედის მხარეთა მიერ ხელმოწერისთანავე და მოქმედებს მხარეთა მიერ ხელშეკრულებით ნაკისრი ვალდებულებების შესრულებამდე არაუგვიანეს 2015 წლის 31 აგვისტოს ჩათვლით, ხოლო საგარანტიო ვალდებულებებზე, საგარანტიო ვადის გასვლამდე.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფედენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო საქართველოს მთავრობის 2013 წლის 7 მარტის №53 დადგენილებით დამტკიცებული „სს „საქართველოს სახელმწიფო

ელექტროსისტემის“ მიერ ელექტროენერჯის გადაცემა-დისპეტჩერიზაციის შეუფერხებლად განხორციელებისათვის საჭირო საქონლის და მომსახურების შესყიდვების სპეციალური წესის“ მე-6 მუხლის მე-2 პუნქტის ა) ქვეპუნქტის შესაბამისად.


XVI . მხარეთა რეკვიზიტები:

„შემსყიდველი“:


სს „საქართველოს სახელმწიფო ელექტროსისტემა“
ქ. თბილისი, ბარათაშვილის ქ. №2

საიდ. კოდი: 204995176
სს „ლიბერთი ბანკი“,
ბანკის კოდი: LBRTGE22
ანგარიშის# GE59LB0114144485353001

სულხან ზუმბურაძე



მმართველთა საბჭოს თავმჯდომარე



„მიმწოდებელი“:

შპს „იტს“

ქ. თბილისი, ყაზბეგის გამზ. №47, ოფისი 205

საიდ. კოდი 404897616
სს „თბილისი ბანკის“-ს
საბურთლოს ფილიალი
ბანკის კოდი № TBCBGE 22
ანგარიშის № GE45TB7637536080100001

თეიმურაზ მიქელაძე

დირექტორი



დანართი #1
ფასების ცხრილი

დასახელება	ზომის ერთეული	რ-ბა	ერთეულის ფასი აშშ დოლარი	სულ აშშ დოლარი	მოწოდების ვადა
ქურო 3ПKHтп10- 50-B	კომპლექტი	46	126,26	5 807,96	ხელშეკრულების გაფორმებიდან 50 დღე
ქურო 1ПKHт35-400-B	ცალი	6	181,72	1 090,32	
მართვის ბლოკი BU/TEL-220-05A	ცალი	5	657,26	3 286,30	ხელშეკრულების გაფორმებიდან 60 დღე
კვების ბლოკი BP/TEL-220-02A	ცალი	5	553,42	2 767,10	
კვების ბლოკი БПЗ-401	ცალი	3	484,98	1 454,94	
კვების ბლოკი БПН-1002	ცალი	3	788,24	2 364,72	
კვების ბლოკი БПТ-1002	ცალი	3	890,9	2 672,70	
ციფრული მილიომეტრი ПТФ-1 (უნდა მოყვებოდეს: დაკალიბრების სერთიფიკატი, დამოწმების მეთოდიკა, ტექნიკური დოკუმენტაცია ქართულ ან რუსულ ენაზე,	ცალი	1	2 765,92	2 765,92	
მთლიანი ღირებულება				22 209,96	

შენიშვნა: ხელშეკრულების ღირებულება დღგ-ს ჩათვლით შეადგენს 22 209,96 (ოცდაორი ათას ორასცხრა აშშ დოლარი და ოთხმოცდატეავსმეტი ცენტი) აშშ დოლარის ექვივალენტს ლარში. საქონლის ღირებულება ითვალისწინებს ყველა ხარჯს: მათ შორის საქონლის ტრანსპორტირების და მოქმედი კანონმდებლობით გათვალისწინებულ ყველა გადასახადს „შემსყიდველის“ შემდეგ მისამართამდე: სს „საქართველოს სახელმწიფო ელექტროსისტემის“ მატერიალურ ტექნიკური ბაზა, ქ. თბილისი ქინძმარაულის ქ. #29.

„შემსყიდველი“:

სს „საქართველოს სახელმწიფო ელექტროსისტემა“

სულხან ზუმბურიძე

მმართველთა საბჭოს თავმჯდომარე



„მიმწოდებელი“:

შპს „იტს“

თეიმურაზ მიქელაძე
დირექტორი

